

雜文

會澤督黔文牘卷五

雜文目錄

大祀祝文

貴州省議會開正式大會頌詞

咨送省議會議案文 附議案十三

省議會閉會答詞

軍都督致紳商軍學界答詞

祭陣亡將校士卒文

弔黃大隊長銅仁遇害問天歌

援黔援川北伐西征將士退伍執照

北伐諸將士退伍執照

告旅黔領軍官佐士卒書

慰勞下游各軍官士卒文

貴州陸軍同袍社開成立大會演說

祭戡亂陣亡將士文

追悼黃公子和捐軀週年紀念祭文

誓師詞

咨內務部旌表劉孔氏節孝並准建坊文

呈請核獎鎮寧州民婦范左氏一百零二歲文

咨覆四川都督請補解前年鹽稅各欸并照匯去年鹽稅各欸案

咨內務部裁撤新城縣丞改設知縣並擬劃撥插花文

覆省議會彈劾實業司興修公園文

咨各省都督請查照剿辦安匪桂林等始末情形文

武德雜誌發刊祝辭

大祀祝文

維中華黃帝紀元四千六百十年二月初四日上丁之辰貴州都督唐繼堯恭率國民致祭於先師孔子之前曰於戲惟先師素王一席師表千秋行夏時而革周正聿開民主之先聲折齊侯而却萊兵用揚儒生之武略合日月以常新自生民所未有茲值政治改革之時更當文教昌明之會燁烟瘴雨撥開專制之天矧鳥山花并舍自由之樂辟雍鐘鼓快觀漢官威儀泮水膠庠潤色共和政體時際仲春禮隆新廟肅展微忱聿昭祀典以復聖顏子宗學曾子述聖子思子亞聖孟子配食同饗

貴州省議會開正式大會頌詞

正式省議會成立以來數月於茲矣祇以中央未得劃定開會日期是以延望至今始開正式大會繼堯躬逢其盛曷勝欣幸顧因欣幸之故而希望之心生復因希望之故而禱祝之意起致禱祝之意起遂有不能忍於言者矣溯自民國成立瞬臨一載各省初則組織臨時議會其能與行政方面相需爲用相濟以成致地方人民受良好之影

響者固指不勝屈而其雙方背馳始而誤會繼而猜疑終則意氣互持置國利民福於度外者亦不止以一二計究其原因豈真吾國人之果無程度耶又豈吾國人之果不顧公益耶良以理論者雖爲事實之母亦足爲事實之賊雖爲事實之導線亦足爲事實之障礙故有時在理論則陳義太高而事實必須放平其手段以曲就之在理論則持說甚闢而事實上必須故逾其軌道以紆赴之在理論或怵於利害謂宜主激急而事實上必須穩健始能進行在理論或泥於法律謂宜從慎重而事實上必需雷厲始能敏活甚至事實本無大謬持論者過爲吹毛之求事實本屬甚微持論者或煩博更之力種種因緣相伏相倚而誤會猜疑嫌怨意氣諸弊端接踵至矣所幸者貴州自臨時議會時已無諸弊更至正式會成立常選諸君學識既已逾恆經驗尤徵素裕與行政方面相需相濟以求有成者徵之既往已同左券之操待之將來尤有無窮之望繼堯雖絀於辭有不能不三薰三沐濡毫申紙以頌盛典者矣然而全省現象危迫萬端羣盜則由不能容司農則屋無可仰地方吏治弊竇叢生故繼堯對黔之政見以爲千

瘡百孔之中權其輕重緩急莫如財政吏治盜匪三端爲最要然盜匪之害亦實出於吏治之敗壞而吏治之敗壞又未始不由於財政之支絀分之爲三端聯之爲一事繼堯所見既定有一分即盡一分之力在一日即負一日之責願我諸君協力匡助宏濟艱難俾七百萬同胞把臂而進文明之域額手而慶共和之福繼堯實有厚望焉

咨送省議會議案文

爲咨議事案照議會開政府有發案權查貴會開正式大會以來行政機關當各預備議案茲經彙繕十三案相應備文提出希即查照會議取決以便執行須至咨者

一裁撤綠營議案

綠營之制沿自前明數百年來名存實亡徒糜鉅款病國蠹民莫甚於此稍有識者類能言之前滿清時代朝野輿論均公認裁撤爲當務之急東北各行省實行全裁者已居多數貴州亦屢議裁撤以防營不敷分布警察尙未辦齊旋議旋止嗣因迫於公論酌量先裁數成未裁者尙復不少今當改革之後百度維新舉凡措施自應因時制宜

務合時勢舊日綠營弊竇既不勝言復際茲財政困難達於極點以有用之款養無用之兵既不能直接以保民反間接以病民共和國寧能容此查本省各路防軍未反正前僅二十營自黃統澤霖爲擴充勢力計驟爲增添致防營章制異常紛亂况經另訂新章改良編制計省東西南北五防共有三十餘營營數既增人民之負擔愈重當此民窮財盡之時尤不能不爲挹注之計綠營既須裁汰防軍自應增加購出綠營餉糈即以補助防務化無用爲有用有益於國計民生良非淺鮮惟綠營官兵一旦裁撤此後生活亦宜代爲之謀免致老弱者轉徙溝壑強壯者流爲寇盜至各綠營原有產業爲歛其鉅從前盜賣侵占者實繁有徒并應設法清還歸公以爲擴張防軍之地事關存廢應列爲議案

二編練巡緝隊議案

防務局之組織設有巡緝一科因貴州反正後軍隊驟增痞棍匪徒均列名軍籍或充兵丁兵匪莫辨貽害無窮糜爛吾黔半由於此今雖設法整飭然原有官兵豈能全數

取消另行更換整頓之法雖有隨時派員偵察其情形設有擾累地方及恣行不法者既有巡緝之舉懲辦之權然無兵力以爲後援僅恃偵探安能使彼羣醜俯就範圍聽我約束設遇反抗何以對付一處如此他處效尤防軍前途何堪設想擬編練巡緝隊一營歸防務局巡緝科直接指揮以期調遣如意適合機宜無轉調之稽遲除隔閡之積弊凡關於防軍調查及查辦事件既由防務局巡緝科擔任以一事權而免疏虞惟財政困難一營之經費目前財力似不能支則編練兩隊亦斷難展緩仿照新軍認真訓練庶巡緝事務得以完全進行無所窒礙且可促各防軍隊力求整新不致徒有虛名難期實效每年官兵薪餉服裝等項以兩隊計算約需銀壹萬餘兩此項經費擬將裁撤綠營餉糈移撥辦理抑或另籌的款應列入議案

三 整頓民團操練鄉兵議案

民團鄉勇所以輔兵力之不足不用兵而得兵之用此即古制寓兵於民法至善也黔省素稱盜藪徧地伏戎兵力既難分布警察亦不能普及不有民團以爲之防衛則盜

匪滋擾民何以堪茲就省城籌設團防總局各鄉籌辦分局其進行方法清查戶口使匪黨無地容身勸誘自新使游民各安生業按戶挑選壯丁編列入伍農隙則招集訓練俾習於戰學之法無事則自營生活有事則棄業從戎但重經開辦則軍械需費員役需費兵餉需費雜用需費黔省財政困難萬難提撥計惟有就地籌款並方公款贖產絕產以及屠捐未經自治公所學堂提撥者概准撥歸團防費用外其餘不敷之費責成地方官酌量補助似此辦法民間既可享自衛之幸福國家又可損無窮之兵需平時不至擾民戰時樂於從事其利一也民國成立國民皆有當兵之義務惟數千年來一般社會咸濡染於柔懦之習有團防以振作民氣入習於兵發達尚武之精神爲國民兵之基礎其利又一也惟是民團本原於舊制滿清時代既無監督機關又無統一辦法以致刁紳劣團武斷橫行營私舞弊今欲掃除秕政應於委任時慎選廉明公正紳耆辦理團務并由民團總局節制監督嚴除積弊如經議決即通令各屬陸續籌辦

辦

四籌練陸軍標數議案

貴州須練新軍一鎮苦以欸絀延擱至今只練一標尙不完備現擬暫練步兵三營成一聯隊砲兵一大隊所需餉項預算每年額支約需銀十六萬四千兩出差活支不能預定器械購置費及運費修整費軍用物品又預算約需十六萬兩南廠舊置營房尙需修理所有徵兵開辦費經常費特別費又約費銀數萬兩僅籌備此一標之費措辦已屬萬窘吾黔僻處深山雖有滇粵爲屏蔽當此強鄰環視非有精練之軍不能爲各省之後盾况改革以來失業者衆盜匪滋起十室九空無兵保障勢成劣敗燕巢危幕安有已時應否添設一標期成一協抑或祇練一標所有餉械等件應如何設法籌備俾資趕辦應列爲議案

五調查水道以事開濬議案

文明進化之遲速恒以交通爲比例實業現狀之勝衰亦視交通爲判別蓋交通未便則運輸甚難銷場不廣交易即因之不旺欲使農產物如何繁殖工作物如何精良而

無商以爲之中樞亦只囿於一隅無從交換內地且然又何能運銷外洋立足於競爭之場乎熱心士夫有見及此或主張修築鐵道或主張開河行輪著爲論說登諸報端提爲議案決於議會非以空言無着而見屏即因徒事高遠而被駁後此有建議築路開河者視之爲常談矣鐵道限於財政一時固難興築查黔省河道除鎮遠河流尙可通行無礙外餘如重安江烏江濠江清江都江北盤江赤水河松坎河松溪河六廣河等其流雖曲折紆回要非無一可以從事開鑿藉達鄰近諸省者第其間有若河之障礙開濬當用何法未可憑虛臆斷擬請由實業司選派專員實地查勘繪具圖說詳爲報告苟可從事開鑿即應實力奉舉此項調查經費約需銀二千兩

六注蠶業以闢利源議案

蠶桑爲本省出產大宗對外則爲商戰之利器對內奉爲致富之本源貴州氣候土壤最宜蠶桑而未見發達者蓋凡民可以樂成難以圖始故也當此風氣初開蠶業萌芽時代非由公家提倡則人民無由興起擬調城鄉內外養蠶栽桑之有成效者分期彙

報擇尤給獎以資鼓勵又養蠶宜先種桑種桑宜先擇種擬收蓄桑椹製成種子以備播種之需並養成桑苗發給各屬以期普及至飼養之術繅絲之器亦當由公家督率改良俾人民有所遵循擬設蠶業實驗所模範繅絲廠招生學習藉謀推廣計獎勵蠶桑種植約需銀百兩預備桑子桑苗約需銀五百兩蠶業實驗所擬就農業試驗場原有蠶室略加修葺擴充約需銀四百八十兩模範繅絲廠暫就實業司署試辦約需銀壹千兩

七墾荒以盡地利議案

墾荒爲擴充農業要政富源之開民生之裕莫便於此黔省地不盡利高山平原榛莽相望蓋由農業不講民情好逸資本缺乏有以使然而揆其最大原因則以種洋煙獲厚利較之他物至易且速故一般農民咸注重於此其有宜於他物而不宜於洋煙之地皆任其荒蕪不肯併力墾植黔所以多荒地也今改革伊始四民失業煙禁綦嚴利源日絀若不設法補救竊恐生計日艱盜賊日多殊非黔民幸福爲目前計惟有飭令

各屬團紳設法墾荒并設公司招納無業游民開墾官私荒地無論樹木雜糧均應分別土宜擇種庶生產日加貧民有賴國計民生兩有神益茲擬辦法大要如左

- 一 各府廳州縣均責成地方官會商紳團就地籌款或酌撥官款設墾荒公司
- 一 公司股本由各公司酌量荒地廣狹定額招集
- 一 凡私有山地地主無力墾植得按照該地價作為股分入股其不願入股者可由公司價買

一 凡官有山地經公司呈請開墾者亦得以之入股

一 公司業務無論樹木雜糧但依其土性所宜併力從事

一 公司人役除雇工外地方中謂作苦工人犯亦得發交公司督飭工作

八 創立興業銀行以儲蓄資本議案

提倡實業銀行其最要也各國銀行種類不一要皆以興業儲蓄為斷蓋有銀行則散金易集人皆有樂於儲蓄之心而資本有賴自無困於經濟之憾一轉移間前者者則

而銀行亦未嘗不利法至善也此項興業儲蓄銀行除隨時募集儲蓄金外約需資本銀拾萬兩

九酌撥款項以振興學務議案

民國成立教育愈不容緩欲教育之普及要在廣設小學欲廣設小學要在首籌經費貴州人口約七百萬內學齡兒童當在百萬以上平均計之每屬須有小學二三百所查各屬呈報已立之小學寥如晨星衡以普及之旨相差甚遠而已成立者仍多困於經濟恐難持久若不設法極力維持教育前途何堪設想茲擬酌撥各項以資補助其辦法約分爲三

(甲)廟產 各屬廟產豐富者頗多徒供僧寮揮霍無裨實際以有用之金錢作無益之消耗殊爲可惜近來辦學人員間有請撥廟產者然因撥動非由公家僧徒動多反抗劣紳濫團希圖漁利彼此相爭因而興訟者各屬皆然擬令各地方官督同公正士紳認真核實將一切淫祠廢去即以其房舍爲校地產業

作經費其有應行崇祀者亦只留住持一二人不准多僧盤踞酌留香燈衣單費外其餘概提歸公酌撥爲學堂之費

(乙)地方稅 各屬地方稅如斗息屠捐等項經前撥作學務經費者反正後復多提作他項開支曾令各地方官仍行清還辦學擬作爲令只許添助不得再行提作他項支用

(丙)裁教職遺款 各屬教職現已一律裁撤所有學田學租卷田等項應一概撥入學務經費擬令各屬不准擅提別用

十開辦硃砂水銀礦等議案

按硃砂水銀稱爲貴州特產自萬山廠租與洋商開辦內地商人半皆歇業間有一二開採之處土貨雖多又因轉輸不易終鮮成功今幸該廠收回不能不改歸公家自辦以杜覬覦而保利權此項資本約需銀二萬

十一籌辦省外中學校議案

查前學堂定章每府應設中學一所以爲高等小學畢業升學之地此項學校除省城外惟遵義大定鎮遠府成立現在高等小學畢業生漸多不但非數中學所能容且負笈遠遊學膳各費所需較多黔中學子半多寒賤終不免向隅之嘆前清宣統二年議案除已設者不計外擬飭上游興義安順兩府擇一適中之地合設一所下遊擬設二所一設於鎮遠以思南思州銅仁石阡松桃五府聽附焉一設於都勻以黎平平越兩屬附焉業由前清提學司通飭各府州會商辦法并前經諮議局通過在案惟終未見實行今縱不能每府各設一所亦當重申前議令飭各府州縣從速妥籌擬於年內籌備定於明春開學權宜辦法俟將來地方一律肅清經濟發達仍當漸次推廣以每府至少必設一所爲斷

十二 發行公債票議案

貴州財政向資鄰省協濟而尤以川省包解之鹽釐爲大宗反正後協餉無着川款亦歸烏有加以張黃秉政添兵糜餉羅掘一空釐稅丁糧征解無幾關於軍政各費借用

需款已欠至六十餘萬之數欲借外債而不能欲加糧稅而不可困難情形已達極點需用浩繁毫無應付若不設法籌措危險立見爲今之計惟有發行公債票一百萬兩分作十萬股每股十兩以低價九兩發行定限三年仍由公家以實銀拾兩收回如此辦法庶可以救目前之急以後丁糧釐稅漸次征解不似目前困難尚可設法應付惟目前發行公債票是否可行應即議決

十二 司法獨立議案

司法獨立爲立憲國家之公例不惟法理應然即就事實而論司法一事亦須不受他人之干涉其職守方能獨盡其對於保護人民之義務方稱完全中國向由司法行政混合不清又以法律監獄均不文明之故致受外人以領事裁判權成爲半主之國因是而受損失者至重大且大不能記述滿清有鑒於此力仿外洋制度刻意改良爲一時腐敗官所制未能猛求進步茲經改革所謂司法獨立尤爲民主國之必要屢奉中央命令各省審檢各廳仍當照舊設立其主旨亦重在收回領事裁判權其事已不容緩

黔自二次改革以來因軍政時代訴訟減少帑項困難將原有高等審檢兩廳縮小範圍改爲裁判局隸屬於民政司今欲規復舊制力恐不逮然欲圖文明進步爲收回主權之助亦不可不趕速預備茲將辦法舉列於下

(甲)酌定員額損益經費

四級三審爲司法一定之制惟庭數員額經費多寡得酌量事之繁簡而損益之黔省審檢廳未反正以前初級祇設監督推事及監督檢察各一員練習推檢二員其地方高等兩廳設刑事民事各一廳推事每廳六員習練推事三四員檢察各等三員地方四員練習檢察官二員就普通之制而論實屬無可再減然每年經費已需陸萬金據云尙不敷用以目前經費奇絀自不能不量爲核減查各廳練習人員從前俱給薪水以後此項人員祇給火食概不支薪其自承長以下推檢各官以及檢簿錄事各員薪水概照從前原額酌減四成發給每年約可節損經費二萬餘金其庭數員額則仍照舊庶期事易舉行而籌費亦不致困難矣

(乙)籌辦外府州縣審判廳

各府州縣審判廳欲驟增完備固屬甚難不求完備又斷不可爲今之計莫如趕儲審判人才舉從前候補法官及法官養成所畢業各員重加攷驗擇其可用者每屬酌委數人從簡單制度著手辦理其承發吏及司法官警察各項即就現員准招募勇改充無須特別籌款

省議會閉會答詞

今日爲貴會正式閉會之期繼堯躬蒞議場得聆諸君子之崇論偉議有不得不以一言貢獻者易曰闔闢有象書云會歸有極天下事動靜相循古今所同靜者由動而發生其効力者也夫省會爲監督機關議員爲國民代表相助爲理息息相通均以國利民福爲目的貴會自開幕以來組織經營不遺餘力而經六十日之風雨寒暑費百二十人之心力腦筋提議要公宣達民隱其有裨於桑梓者豈淺鮮哉茲又延長決句不辭勞瘁可告無憾於黔中之父老昆弟矣堯雖不敏敢不掬誠相與用孚厚望其經議

決者自當設法以促進行即未經議決者仍留常住議員隨時討論從容布畫至於回籍諸君更當宣布新政調查習慣務使各界感情融洽無間其歸者開化導之先聲其留者爲機關之補助義務雖分其竭忠於民國者一也斷不以業經閉會遂有所放棄於其間勉旃勉旃願與諸君子共負其責

軍都督致紳商軍學界答詞

黔父老昆弟苦匪亂久矣天未厭黔特假手堯衆以驅除亂逆夫堯何功之有乃蒙我父老昆弟尋加推戴迭請中央委任既得請復有今日慶祝之舉備聞致詞精誠若揭尤令堯欲致答而無從雖然今日諸父老昆弟之來此七百萬衆精神之所寄也以諸父老昆弟期望之殷於以見黔人思治之切即此念已足厝黔於平治而絕禍亂之萌堯實幸之以我父老昆弟之誠懇重以中央之任命堯雖無似計惟殫其精神智力與我父老昆弟互相提挈一致進行軒達全省安寧幸福之目的以勿負付託之重而已區區怨嫌原不足計亦何敢辭但他日黔局敉平得遂初服與我父老昆弟眷念之情

猶是永永無極焉此則堯所私衷切幸者也

祭陣亡將校士卒文

維民國二年四月二日黔都督唐繼堯謹以清酌庶羞之奠致祭於陣亡將校士卒之靈嗚呼一死古今所同死到沙場方爲善終軍人天職保衛八氓以己之死博人之生吁嗟諸君素持此義一腔熱血千秋壯氣昊天不弔禍此黔人紅羊浩劫其來無端內外匪徒相爲狼狽小醜跳梁羣魔作祟相彼匪勢如沙如潮自春徂冬兩彈爛碎吁嗟諸君惟民是保東調西徵南征北勦名譽烜赫身命犧牲諸君既死全黔以生吁嗟諸君諒取仁成蒼蒼貴山滔滔富水魂兮有靈應呼雄鬼繼堯忍淚奠此一觴頂祝千秋俎豆馨香嗚呼哀哉尙饗

弔黃大隊長銅仁遇害問天歌

問天歌問天歌歌短且奈將軍何將軍長劍倚天磨誓除荆棘出銅駝東渡曾擊祖生楫南來便枕劉琨戈問天歌問天歌歌長又奈將軍何漢家光復功最多援川奏凱到

胖躬癡笑偏逢許首客大星耿耿墮天河問天歌問天誰問天果奈將軍何出門大樹
尙婆婆不見將軍樹下過自古英雄誰不死話到來歛淚滄茫問天誰問天歌問天不
言可奈氣昂少造物忽生魔饜食鄰生離食糞漢兒滿盡銅

援黔援川北伐西征將士退伍執照

爲發給退伍執照事照得前經欽派遂州營掌於周官軌渠運糧由文製并於營中
事則歸國敵有等項用編場緩急可資兵費左寫片册以候安插等因欽此欽遵
良宜今又矣湖香嶺子弟相從於外援黔援川北伐西征各役既畢前來請領執照
登或枕戈而待日勤勞卓著勇於堪嘉今者望命碧以飄旛旆旌銷
日月爭輝解甲之命宜自退軍之規其在除已製完執照領片示
填給執照遺送區籍庶此日有歸農之樂買牛糶以助耕更隨時存
而思奮去都督有厚望焉

北伐諸將士退伍執照

爲發給退伍執照事照得投戈講藝解甲歸農在昔常播美談於今尤稱盛事吾黔北伐諸將士義旗首建常反正之初年煖席不遑遂勞師而遠出適值清帝退位和議告成留次三湘驟經一載中經羣匪之搖惑卒能整旅以歸來更當酬庸錫類之時遽存功成身退之想茲據陸軍少將步兵第四十二旅長周燧儒呈請核准等語前來省覽之餘嘉慰尤至論東山零雨久念勞人標勁草疾風允懷良士此時是以明禮更求德行道藝之全相期安不忘危還備干城腹心之選須至執照者

告黔督鎮軍官佐士卒書

嗚呼我輩軍官佐士卒去秋反正以來既已盡瘁桑梓復以善鄰之善相率來黔於茲數月外則清鄉緝匪極馳驅轉戰之勞內則禁究詰奸盡保護維持之方寒煖已易昕夕不遑暇人幸獲安寧我軍亦備極勞勩矣顧念積苦竊欲一言天武漢首義薄海海風曾不坐載而倒數千年專制政體遂躋老大支那於民國之林此其成功之速古今中外未嘗有也我軍人之熱心毅力可謂發揚光品於天下然民國雖成大局未定內

詎外患累卵可危破壞之功幸成建設之事方始正我軍人臥薪嘗胆之日尤宜加重負擔而未能遽卸仔肩者也若我滇軍援黔以來久著偉績今七百萬大生命財產方倚我爲長城即大總統在京對於我滇軍削平黔亂之功亦經歷電嘉許然則保永久之榮名而盡軍人之責任一息尙在其又奚辭顧或者曰黔已安矣我輩何爲久居黔鬱抑滇軍殘殺滇人侵略之聲方播衆口是不知有德而惟惡是聞我輩又何必戀戀於此嗚呼誤矣我滇軍本救災卹鄰之誼成撥亂反正之功天未厭黔秩序之復然匪已除而未盡亂雖定而未平責任未爲遂盡也顧我軍保衛地方之功既爲黔中良善所同認其殘殺侵略之說不過少數匪類之誣詞乃於善良愛戴漠若不聞而聞匪類片言遽爲所動輕重勿乃倒置是非亦太不明且羣匪相與搆煽特利我軍速行俾得恣爲奸暴耳我寧墮其術而不悟乎抑我軍未來則黔人間關乞請我軍欲去則黔人極力挽留羣匪疾視正人常欲得間以報是不來則良善猶可苟存我來而良善將無能幸免也不惟前功盡棄失被髮赴救之心亦且有初鮮終貽爲德不卒之譖我官

佐士卒寧日出此乎或又謂維持黔事自有黔人我輩滇軍可勿過問不知此尤大誤省界云云惟毫無國家思想者有之我輩軍人知有國家耳凡爲國家人民皆當力爲保護凡爲國家人民之害皆當力爲驅除滇黔同爲民國領土即同是民國人民此界彼疆何足更論西人詆我爲一盤散沙笑我爲十八小國則省界之爲害至烈我官佐士卒所習聞也今儼然民國人民猶不免困於積習民國前途其必無幸乎繼堯到黔即遭母喪願以黔亂方殷不獲歸視葬祭天職所存義無反顧亦我官佐士卒所深悉而共諒之名也抑我輩亦非能久在黔也今黔中軍隊已漸編成但黔人方難自保之時即繼堯與諸君偕歸之日尤願左執鞭弭右屬櫜鍔他日與諸君戰勝列強發民國光輝於並世即以永慎軍名義於無窮黔事區區曾未竟平生之志願與諸君子共勉之

慰勞下游各軍官佐士卒文

自席正銘等挾取消公口之怨糾合匪衆欲回黔以圖一逞黔人水火餘生望風惶駭

環南請命於我我將佐士卒天職所在無敢稍寬駐守鎮銅不合越雷池一步自事起以訖於今時逾半歲其勞苦已甚矣席匪突踞松栢進攻銅馬官軍民奮勇賊將我將佐士卒苦無憑城夜防晝戰卒能以少勝衆轉危爲安掃除亂匪驅狗鼠寧爲黔人之幸大爲實利賴之自餘各營隊雖非盡身臨敵而積苦於輸轉蒸殺於饑饉至於黔事固不盡瘁且也師處險生古人所戒秋毫無擾自昔爲難今我官佐士卒無不深明軍紀所至民固不惶此真軍人之至榮而堯所深信者也前時道阻於重關我將佐士卒之勞動於中央大總統許其深明大義有功地有功官焉於此等損益之羅復幾不少寬貸竊幸功罪大明我將佐士卒維持地方之功固不待言而力持風紀始終如一俾黔亂早平得一意爲對外之行動儘日軍城陷時我將佐士卒界斯爲吾輩最終之責任耳乃者久雪多寒征途久滯昕夕哀思寤寐勞苦令高級副官馬驄之赴下游代爲慰問並述所懷如此我諸將佐士卒庶其共念之

貴州護軍同袍社開成立大會演說

一 解軍宗旨

吾輩軍人無論本省外省以及外國凡屬軍人要當視同一體互相親愛然則又何必多設此同鄉社一種機關蓋軍人散處各地聲氣隔閡智識限於一隅精神無由團結必須有此一種機關以聯絡感情交換智識由本省以及他省於世界各國然後軍界之事業始能發榮光大此同鄉社之所以必須成立也

二 解軍社會

軍人團體實他之集會結社名雖同而實則異蓋社會團體純然如共和國家之組織軍人則事無一皆尚服從其結合團體亦不能不與之稍異蓋軍人團體純為聯絡情誼砥礪學識之積蓄力以爲對外之政策至對內之政策不過就目前之現象力圖補救固非如政黨議會之以干涉爲己任也

三 民國成立以來之現象及聯絡各界之理由

民國自南京政府成立以來動用款項全無報銷發行公債票一萬萬元盡飽一般宵

小私囊花天洒地任意妄爲徒增吾人民負擔章太炎爲革命最有功之人物目視南京政府現象曾作一聯云羣盜鼠竊狗偷死者當不瞑目此地虎蟠虎踞古一概屬當言觀此可想見當日之現象矣嗣南北統一中央政府成立經營年餘尚有緒美國人首先承認共和美洲各小國亦相繼承認但中央政府用款均有限制不能任意揮霍而此一幫齷齪小人既不得遂其私欲動輒借革命有功之名黨同伐異無論中國革命係世界潮流所趨非少數人之力量所能致即使真爲革命首功既經革命新反陷中國於瓜分危險之局是不爲功首反爲罪魁吾輩軍人本不應與助此事然服從命令擁戴中央即亦吾輩天職亂臣賊子人人得而誅之况吾輩負保衛國家之重任乎軍事進行方法政略上之宗旨與各界互相關係故今日同袍社成立致請各界諸君同臨斯會以冀匡助一切是則繼堯之所深望者矣

祭馘亂降亡將士文

維民國二年二月八日實貴州賊亂之第一週年紀念日貴州都督唐繼堯等率各界

代表謹以清酒素饌之奠致祭於戡亂陣亡將士之靈曰嗚呼有功則祀載在經言禦災捍患縷萬餘分吁嗟諸君拯我黔人徵之古禮祀事宜敦緬維始事不堪回首竊懼攘位大奸小醜君子道消紀綱何有於時省會羣匪披猖簪花插帽尊爲愛招搖過市異製詭言傷哉齊民恐慌無已闔閭之肆一日數閉小康之家一夕數起偶當婚嫁舊俗未脫親朋過從取酒將酌惡耗傳來城闔已闔賓客大亂言歸無有外城子城如隔絕黎家之消息不可探度舉室倉皇無生人樂維諸義士力捍城闔保持危局以待援軍我憤仗義救災卹隣繼堯帥師髮被冠纓雪虐風饕水驛山程雄獅落止羣魔雲驚迅霆一振天宇澄清載歷寒暑西戰東征諸君勇敢奮志縱橫吁嗟諸君義取仁成諸君雖死蜀人已生彈指年華瞬經一歲日就月將新春又屆姻婭友朋春酒相會攘往熙來樂遊未艾例之去年孰否孰泰溯厥淵源伊誰之賜酬庸報功古禮所備奠此一觴神其來蒞尙饗

追悼黃公子和捐軀週年紀念祭文

維中華民國二年陽曆五月七號爲黃武毅公捐軀之週年紀念員都督唐繼堯
率各界代表備時羞之奠致祭於黃公之靈曰嗚呼嵩嶽降神實生申甫池萬頃偉
人千古公馬碧鷄精靈昭護篤生我公兼資文武志清中原氣吞胡虜北伐南征陳師
鞠旅黔黎倒懸王師時雨載馳載驅維罷維虎蒼有款戎出初戰重圍解公濶氣
露日月加邁會幾何時不堪回首一載於茲自公一去生靈易主本已痛絕復欲
九泉良友三邊戰鼓徒存遐想誰相見則哀榮無端濕覆如磨我心悲矣守節
之靈爽宜其在斯公生爲英而死爲靈斷脰絕頸取義成仁公之節義乃爲國
武毅宜其光榮忠烈之祀俎豆常馨銅像之鑄溥烈如生歷史光輝自公而後
矣夫復何云嗚呼尚饗

誓詞

天禍吾國日復一日以全國四萬萬同胞所造之共和徒爲一二強有力者之利用本
總司令官怒焉長思爲我四萬萬同胞謀濟無方非一日矣今釐寧事起以扶持正義

力護共和爲宣言本總司令遠在一方則以安民保境沈幾觀變爲先決乃有熊逆與
武阻兵甲中假託義舉作負隅之困圖效小醜之跳梁四方糾合無匪非百萬口榛
有聲同惡熊逆猶敢自比張獻忠李自成謂將荼毒全川使用無賴本總司令官
憤黔川賊同居齒理無坐視特與我將校士卒奮其武力剪此姦兇爰此誓師用當
語我將校士卒久歷行間所謂愛國家正禮儀尙武功重信義崇質實知廉恥講大節
當已飢而服習之無俟予言抑本總司令官所欲爲我軍一官者一曰用兵我同
也無論我父老昆弟姊妹其哀號宛轉於鬼箴之下者至可慘痛即我甘心附逆亦
當在少斃其他皆迫於威力而非盡出本心蓋亦多可憫念者語有之曰是則何全用
人已傷矣又可重乎故我軍此行責在弔伐其必有至誠惻怛之意者不當有殘酷暴
戾之行宋曹彬征服四國未嘗妄戮一人青史播爲美談勳烈昭於奕世此願我軍
服膺者一也一曰和師克在和古有明訓昔孫劉以江左一隅敗曹氏數十萬衆和之
效也李部再造唐室武功蓋世而九節度相州之師同遭潰敗不和之故也故以一軍

言則行政務求輯睦以各軍言則首尾必相應不但滇黔一體更無復畛域之分即對成瀘各軍亦當泯主客之見此願我軍人服赴膺者二也一日廡漢祖入關諸將爭取金帛蕭何獨否時稱人傑爲漢宗臣宋劉宗愨克林邑異寶雜物不可勝計愨一無所取衣櫛蕭然世稱名將夫以仁義之師爲盜賊攘竊之事我軍人之尊嚴高尚寧復有此然事所決其必無而義則所當共勉者也此願我軍人望服膺者三也一日謙辭同室之闕本斯人相愛之常推己溺之心亦軍人應盡之職此即大勳立就亦何功伐可言乃如渾濬交爭鄧鐘相害反功爲罪爲世所譏又或自以爲功謂莫敢抗遂視人民如草芥妄恣威福以自由我輩雖隸軍籍猶是人民試爲設身寧能忍受謙爲古德滿管招尤此願我軍人服膺者四也凡此諸端各宜申做此時帝漿簞食市廛不驚他日尸祝馨香聲施無替本總司令官所志當亦同胞所樂也我將校士庶其共念之

咨內務部請旌表劉孔氏節孝並准建坊文

爲呈請旌表並准建坊事案據內務司長郭重光呈稱據普安縣知事李上理呈據紳

善張芳池亦成英等呈稱竊聞摩笄誓志台亦名清斷皆全貞室猶號漆閭其奉高堂於耄耋色益溫恭撫孤子以零丁思全教養是其節孝賢德洵可挺地維之正氣爲宇宙之完人者矣緣我普邑劉君紹助之妻孔氏者藜藿疇秀不愧禮堂琴瑟相敬無懈師氏愜其承鳳叶吉奠雁成雙舉案惟謹齊眉挽車必嚴維髮共牢意欲琴瑟聯台好之音借若溫長鐘鼓欲如賓之敬允宜山盟海誓地久天長孰意夢難在噩乃不常圓望斷靡蕪嗣矣其妻之遺寡官臨磨蝎傷哉世子之云亡爾時氏年十七子嗣半歲膝下嗷嗷苦日堂上蒼蒼日髮既無伯叔終鮮兄弟門衰祚薄誰能另眼相看每寢兒疇非斷腸之侶氏則耐心忍性含淚吞酸以縫紉作生涯憑耕資爲活計知盡職之歡俯肩和丸之任三十年含冰茹蘗經磨涅而不磷不淄四代以上安下全撫孤子於丕承丕顯所以前清旌表曾褒入祠建坊客歲光復尙未興工動砌當此全國改革百度維新理合另請褒嘉敦隆節孝庶秉乾坤之正氣足振綱常全閨閭之貞操永維風化爲此稟請批准建坊以勵貞心而彰孝德生等不勝屏營待命之至等情據此知縣

復查該劉氏含酸守志啜泣撫孤既無伯叔之依難謀饗殮之繼粥粥羣雌大懼強梁之辱梵堂在抱時驚衰病之親誠可謂淒風偕苦雨齊飄黃鶴與青鸞並泣者矣而乃剪金示志畫荻增悲終一世衣貧食賤不改初心三十年玉潔冰清無慚大德此建功表宅宜荷褒獎於勝朝而發潛幽專候旌揚於民國者也理合轉呈以維風化查該劉氏青年失偶矢志柏舟白首完貞光昭梓里前清旌揚之典已允表坊民國肇造之初未遑建築竊維四德講明大總統早頒通令五倫肇始我中華素重化原值茲世運澆漓挽回端在彰闡賴此人心維繫巾幗何遜鬢眉仰懇代達中央舊命廢除新旌特布准令鳩工創造藉勵婦德完全國有四維神明胄苞桑同奠石能千古億萬年風雨無殘爲此轉呈等情據此相應備文咨請貴部查照希即核覆施行

呈請核獎鎮寧州民婦范左氏一百零二歲文

爲呈請核獎事案據內務司司長郭重光呈稱案據鎮寧州知事李清泰轉呈據州民范成章呈稱民母范左氏生於前清嘉慶辛未年八月初一日至今一百零二歲云云

洵屬不可多得理合據情轉呈伏候俯賜查核代達中央請獎表彰民國人瑞實爲公便等情據此竊維貴德而尙齒有虞臻邇治之隆貴老爲近親戴聖著薦養之義是以七十有授杖之典况復名重期頤八十有致膳之文何論秩過駟背並范成章之母范左氏當張蒼飯乳之年符虞氏釀丹之兆兩耳猶通龜息百步尙未履踵湖天鏡舞鸞歌麈黃鶴奉姜師之母則江水調羹撫雷氏之兒則篝燈織紵停辛付苦亦日經年凡茲壽考康強皆自貞節慈孝允爲鄉閭之表實增民國之光理合據情呈請大總統鑒核給予旌獎以彰人瑞無任屏營之至

咨黔西川都督請補解前年鹽稅各款并照匯去年鹽稅各款案

爲咨覆事案准貴都督咨川黔交涉鹽務委員周沆摺陳條件一案除原文不錄外內開查前清時向由川省在重慶鹽釐項下每年撥解黔省協餉銀拾肆萬四千兩又於官運鹽款內撥解代征抵捐加釐等項伍拾肆萬陸千兩均係按月匯交協餉已解至去年十月抵捐等項亦經解至八月惟代徵款項本隨官運鹽斤征收自應截至去年

十月改辦就場徵稅之日爲止是欠解之款只有兩月之數而取銷官運其名雖在十月其實自七月爭路事起因各地匪徒滋擾道路梗阻官鹽即已停運鹽既未行款從何出自更無從補解等因查協餉一項實只解至陰曆辛亥年八月分止其用等項實只解至陰曆辛亥年六月分止比照開關八月十月之期黔省確已少收兩月之數至補解一節在貴省爲天富之區原自不窮於籌措在黔爲至瘠之地實有難已之苦衷黔省自反正以來已逾一載痛深創鉅東扶西傾表面雖係匪徒充斥原固屬生計困難振實業猶需三年之艾無救燃眉理財政如醫遍體之瘡萬難速肉且匪界上匪相乘長此淪胥永無補救勢必言行政無費雖有良吏難資巧婦爲炊軍事無費雖有強手詎使英雄白戰然而北面郡縣多與貴省毗連貴省綱法之嚴一向黔省迥逸傲省竄極之徒必視川爲外府病人既盡疫尙傳於他方田穀已蠲蠲心及於異縣蓋相依之勢既等於輔車亡寒之情即同於唇齒利害關係早在鑒中此其勢而言不能不冀貴省協助者也更專以鹽務論之川爲產廠黔爲銷場黔既有一日暢銷之鹽

川即有 日代徵之責鄰誼公益由來已久雖就場徵稅現已改定辦法日代徵各項亦已加 成本一旦停解未免川收實利黔負虛名况黔之上游畢節與貴州鎮雄產鹽之地僅距兩程下游由山由廣西平橫運鹽之區相連一水慣習近更使本縣其所以必令川鹽者爲協餉稅項計不得不然耳川備無相通後益爲黔黔生鹽時力之計早以舍責就賤議早助於士夫圖易棄難說已贖於社會不爲督督近近事又更百計維持多方諭導曾經電達無待贅陳但貴省僻處高原銷多販百萬食鹽之民權利之增者幾許少數千里售鹽之地權利之損者若干易言而勞智計扣權利義務本自相乘兩得其平斯稱永賴此以理喻者不爲不爲省商助者也黔省自張黃亂政元氣大傷公帑之儲則揮如泥沙私人之捐則極於錄委前後共耗去銀五十一萬兩匪亂既定庫藏一空客歲稱貸紳商業已至再不得已又呈奉大總統令印造銀元紙幣六閱月兌換期將屆基本毫無上下恐惶公私兩竭糜爛之象已在意中鼓噪之情何堪設想竊以民國肇造一載有餘祇因內亂之迭興遂缺外

人之承認黔雖地小介在西南洞一穴而全隄潰牽一髮而全身動黔之人民土地縱不足惜其如西南大局何其如民國前途何且在前清專制時代天災兵燹各省相繼文電朝馳餉糈夕至况共和國之政治既期統一貴都督之宅心素闢大局曠之滿清專制豈止超越萬萬耶此又以情而言不能不冀貴省協助者也以上三端統非虛飾總計前年欠解各欸截至十二月底止實有貳拾捌萬柒千陸百陸拾餘兩亟需補解自去年正月以後應解各欸仍希照常匯交如中央釐定鹽法之日有另行支配協濟之處即行停止匯欸至借地設局一節貴省如已照匯各欸敝省自勿庸借地徵收所有仍希貴省補解前歲協餉稅項並照匯去歲正月以後協餉各節相應備文咨覆貴都督請煩查照並希見覆施行

咨內務部裁撤新城縣丞改設知縣並擬劃撥插花文

爲咨請立案事竊維設官分職必因時而制宜度地居民貴截長而補短華離甌脫之地每紛爭於此界彼疆縣丞令佐之官實難責其催科撫字况中華民國初建行政區

域宜分苟非正經畧而專責成奚以安人民而資治理貴州素稱瘠土跬步皆山攷四境之幅員半分撥於川滇湘粵即一隅之地段亦交錯於府縣廳州以致盜賊有地潛藏負隅據險長官遇事推諉廢政弛刑不早清釐愈滋膠轕惟事體重大固難合全省而輕議更張而揆度事機正可即上游而先行試辦查興義府六屬插花最多而地段畸零袤長首尾不能相顧者則以普安縣爲最溯其建置之始縣令實駐新城後裁撤新興實因該處距白沙驛較近始移知縣往駐今即之普安縣治是也縣治既移遂於新城改設縣丞以資分治相沿不改迄今已二百餘年惟新城地方最佔形勢論攻則新城得各城則次第可平言守則新城失各城則相繼不保歷稽前清嘉慶以後同光以前苗回諸變屢煩兵力皆以新城之得失爲勝負此其明效大驗也蓋壤地雖狹實居於各屬中心而形勢又最爲扼要祇以各屬插花交錯其附近於新城者距各城治均百有餘里故案犯匪徒皆藉以爲逋逃之藪此拿彼竄十不獲一即文移關提而縣丞權僅彈壓莫敢誰何坐視民情習於曠悍忌憚毫無若不設正印長官實不足以資

鎮懾從前屢議仍將知縣移駐因距驛站竊遠又以改設建築費用甚鉅是以不果昨據該縣紳民復呈請將普安縣新城分設兩縣蒙批示允行良有鑒於今昔情形不同不能不因地制宜變通盡利並批令飭該府縣詳加議覆妥籌辦法茲將該守等令先後呈覆僉以爲兩縣分治事勢宜然惟普安地僅八里分治兩疆域不免太狹若將盤州安南興義各廳州附近插花地段分別撥歸兩縣管轄則酌劑夫盈虛自利便於治理但手續繁重若令撥地與設縣一時舉行誠恐阻礙遷延驟難辦到不如分爲兩段先行改縣次撥插花較易著手擬請就普安原轄八里地面割而爲二與新城各轄附近四里其屬於普安者曰興仁興釀鼠場樓下其屬於興城者曰馬乃忠順安逸阿計俟定界立碑新城縣完全成立之後再派明幹之員專辦劃撥插花統就興義各屬情形一律秉公勘撥互相改隸務期方圓團結便於治理並出示曉諭立碑定界一面頒發印信遴委幹員馳赴新城縣任籌辦一切等情據此均以爲似此辦法先後井然尙屬妥協批准裁撤縣丞改設知縣並頒發新城縣印委任喬運亨署理新城縣知事即

資成該令馳赴新任後會同興義府知府聶守樹楷普安縣知事李令上理召集各屬士紳將插花地址查勘明晰繪圖貼說呈覆核奪並飭該守令等和衷共濟酌酌辦理詳加審度折衷至當務使各得其平無致操切誤事又查安義鎮總兵劉鎮顯潛籍隸興義於各屬情形尤爲熟習督率該守令等辦理在案惟事關建設縣治改置印官例應咨花分別直隸各懸所有裁撤新城縣丞改設知縣並擬劃撥盤州安南興義各屬插部立案未便久緣由理合備文先行咨請大部查核立案一俟改撥完竣再行繪具輿圖地界核算丁糧數目暨一應建設各事宜詳細造冊咨部查考庶南北盤之流域按圖可稽十三郡之封疆從今漸正奏弦歌而敷雅化不再嘆犬牙之齟橫賣刀劍以事春耕難借鴉音而變格相應備文咨請貴部查照希即立案施行實爲公便

覆省議會彈劾實業司與修公園文

爲咨覆事案准貴會咨開案准大府咨覆查明本會議員解江提出彈劾實業司與修公園一案除原文不錄外後開現經開會議決仍申前議相應備文咨請查核見覆等

由准此不公園之設西人名曰城肺顧名思義原以涵養活潑國民純潔之精神秦東西各國無論大都小邑莫不競競於此比年以來沿江各省次第建設誠以實利教育爲國家教育行政上切不可緩之圖至於普通學術悉寓於樹藝及金木土工之中則又非公園無以引起國民企業之思想方今民國成立教育方針主張採用實利主義則建設公園實爲實行實利教育之一端至貴會謂該司妄動鉅款竟至七千金之多並未經本會認可遽然興工以故請飭該司如數賠償云云查黔稱資瘠衆庶皆知又當匪亂之餘官民如洗豈獨貴會諸公顧慮及此本府竟漠然無動於中乎惟天下事理論與事實每不相符前清官吏籌備憲政事事藉口乏財坐視不舉抑知黔之貧困其總因在實業不興貨棄於地使在上苟無激發企業之設施在下亦因循而作廢今日之公園卽爲將來勸業會展覽會博覽會動植物園之場作始雖簡將畢乃鉅且該公園動工在三月中旬貴會開幕在五月中旬經本府及各行政長官議決均在貴會未成立以前使必待貴會議決始能執行則貴會未成立以前待議者不止公園一端

如必事事待議而後執行則此數月中行政上之規畫何限不又將因之廢弛乎總之該園既屬正當必要建築物自勿令其賠償中止之理貴會又謂大府來咨僅據委員就彈劾案中一二小節朦朧答覆與彈劾之意相背而弛云云查貴會初次彈劾到府值該園尙未落成有無浮冒浪費情事此係事後問題未據該司呈報何從查考既由本府派員查覆則不得不就查覆者轉答貴會何得曰答覆朦朧以上諸端按諸學理事實公園之建設有必不可已者尙請貴會詳加審察本府爲提倡實業起見用特據實答覆所有實業司興修公園各緣由相應備文咨覆請煩貴會查照

咨各省都督請查照勦辦安匪桂林等始末情形文

爲咨請查照事案查黔南威水土目安桂林即安竹齋及安三妹素性暴戾殘殺無辜打堡抬龍重案迭出霸佔土夷產業虐派佃戶錢糧前在滿清控案山積屢經拿辦未獲殄除官吏畏其橫強幾成尾大不掉之勢去歲反正後乘茲改革愈事猖狂勒逼各種夷族共獻田賦致被燒殺擄搶者不下二千餘家紛紛來省控訴殘忍之狀令人背

裂當將該土目暴戾情形呈明大總統一面選派軍隊會同地方官吏前往查辦該土目竟敢率衆抗拒聲勢洶洶迭經軍隊環攻始克當場格斃積年通惡一旦殲除人妹心爲之一快該土目霸佔各夷族田房分別給還原主其自有田土產業例應充公撲令原佃戶承領耕種一切苛派概予剷除夷族得遂生機地方幸免擾害其姑安三鎮苟能知所警懼竭誠歸順原可貸其一死乃竟怙惡不悛勾結土匪號召黨徒迭次押城聲言報復兵團莫敵傷斃多兵先後接據該廳文武各員及議會警報復派安義恐劉總兵顯潛督隊馳往勦辦戰經兩旬始將該匪巢穴攻破解散脅從生擒安三妹分解到省發局審訊據供歷年翻佔搶殺各案直認不諱立飭處以死刑以昭炯戒誠該匪餘黨得逃法網造謠播弄淆亂聽聞除將勦辦該匪始末情形呈報大總統並咨各省相應咨請查照此咨

武德雜誌發刊祝詞

昔在我黃帝建平邦國肇造區夏走榆罔轅蚩尤方行天下以揚德而建武我黃族之

武功翹然首出於世界唐虞三代流風未沫其帝王之施政與師儒之設教罔不於是競競則有師田行役之制干戈羽籥之文故上而威稜四瞻光我史乘下亦不失爲任俠犯難之士而依阿澳澀之風不中於社會秦爲專制銷鋒鏑愚黔首民氣始漓漢師其意而一變其術乃罷黜百家獨崇儒學凡其說之不便於世主害於專制者去之惟恐不力相里鄧陵之學於是遂絕即閭巷之俠修身砥名聲施於天下者亦以其時扞當世之文罔必摧抑傾陷之使無遺孽而後快其所謂儒者不過曲學阿世假儒之似以亂其真爾武德乃少少衰矣唐宋以還雄傑之主愈務爲聲音文字之學以罔天下致舉世相競以僞文屈伏於異族專制之下而不能自振愛新覺羅氏入主中國二百餘年愚民之術愈工民德之不競亦愈甚馴至坐受割割於強鄰苟焉以待盡耗矣悲哉吾國民武德之漸滅也物極必反我於是有革命之役一夫倡義薄海嚮風不半載而成統一之業吾民族之武力乃復著於當世此亦千載一時之會也雖然彼虎狼之異族方環伺竊睨於旁競陳刀俎以魚肉我而我乃囂然其不靖內顧日有不戰之憂

其果能使新造之國家浸昌浸熾矣乎是未可知也武德社諸君子怒焉尋之乃糾海內同志布刊武德雜誌以餉我國人其主旨則在提倡軍人道德以激發國民精神於其出版之始騰書相告堯曰此我黃帝在天之靈爽所式憑民國前途之指揮光大將於是乎報者也不可以無祝爰爲詞曰粵維黃祖天挺神武嗟我子孫曾乃不克敬承祖牖其衷光茲民國何以奠之僉曰武力武不可馳亦惡可躡敢告同胞講述祖德

會
賢
文
集
卷
五

五